

Sinopsis Cerita Hantu Sabah

Cerita Hantu Sabah merupakan kompilasi 30 karakter hantu yang terdapat di Sabah dan setiap karakter tersebut merupakan karakter yang dipercayai oleh beberapa etnik seperti etnik Lundayeh, Tatana, Iranun, Kagayan, Ubian, Bonggi, Bisaya, Tombonuo, Dumpas, Cocos, Dusun Liwan, Bajau Sama, Rungus, Sukang, Dusun Tindal dan juga Dusun Bundu.

Antara karakter yang diketengahkan di dalam buku ini ialah Ada' Buluh, Andau, Apu'-Apu', Baba', Bagaang, Balan-Balan, Bal-Bal, Bariou, Galap, Jerangkong, Kalimbadut, Kokok, Koduduo, Kuyang, Mangat Langah, Mangat Pungkau, Membow, Minorit, Morokod, Paragasu, Pasengut, Pomusik, Purod, Rogosn Do Sodop, Sampar, Siwot Dalan, Tapako, Tompulalanggoi dan juga Tunga' Unga'.

KUYANG

(Etnik Banjar, Tenom)

Kuyang merupakan sejenis hantu yang amat ditakuti kerana mempunyai rupa yang mengerikan. Menurut cerita informan, hantu ini mendiami rumah kosong dan keluar pada waktu malam untuk mencari makanan. Hantu ini juga dipercayai suka mengganggu ayam untuk memakan jari kaki dan bahagian dubur ternakan tersebut. Kaedah menggantungkan daun 'tarap' kering (sejenis pokok buah-buahan tempatan) di kawasan reban ayam dipercayai dapat mengusir makhluk ini daripada terus mengganggu ternakan tersebut.

Perunding budaya,
Suhaimi Magi,
Tenom